



The Planning Inspectorate
National Infrastructure
Directorate
3/18 Eagle Wing
Temple Quay House
2 The Square
Bristol
BS1 6PN

Direct Line:
Help line: 0303 444 5000
Fax No:
e-mail: brechfawest@infrastructure.gsi.gov.uk

Our Ref: EN010008

Date: 28 Mai 2012

Annwyl Syr/Fadam

Cais am Fferm Wynt Gorllewin Coedwig Brechfa – Deddf Cynllunio 2008 a Rheolau Cynllunio Seilwaith (Dull Archwilio) 2010, Hysbysiad o Wrandawiadau o dan Reol 13

Yn dilyn y llythyr a anfonais atoch ar 10 Mai 2012, ysgrifennaf atoch yn awr i roi hysbysiad ffurfiol am y gwrandawiadau rwyf wedi penderfynu y byddaf yn eu cynnal ac i gadarnhau'r amser, y dyddiad, y lleoliad a'r materion trafod ar gyfer y rhain. Mae Atodiad A yn rhoi'r manylion ar gyfer gwrandawiadau ar faterion penodol a gwrandawiadau llawr agored, gan gynnwys gwrandawiadau penodol mewn perthynas â sŵn, cludiant a mynediad lleol ac ecoleg. Bydd agenda ar gyfer pob gwrandawiad ar gael ar y dydd, ac ar gael ar gael i'w gweld ar dudalen prosiect Brechfa ar wefan y seilwaith cenedlaethol erbyn 13 Mehefin 2012.

Mae gan yr holl bartion â buddiant hawl i fynychu gwrandawiadau. Hoffwn yn neilltuol i'r sefydliadau canlynol fynychu gwrandawiadau ar faterion penodol:

Sŵn

Yr ymgeisydd
Cyngor Sir Gaerfyrddin
Statkraft
Grŵp Blaengwen

Cludiant a Mynediad Lleol

Yr ymgeisydd
Cyngor Sir Gaerfyrddin
Cyngor Cefn Gwlad Cymru
Llywodraeth Cymru

Ecoleg

Yr ymgeisydd
Cyngor Cefn Gwlad Cymru
Asiantaeth yr Amgylchedd Cymru
Cyngor Sir Gaerfyrddin

Rwyf wedi penderfynu nad oes angen unrhyw wrandawiadau eraill ar hyn o bryd. Rwyf wedi rhoi ystyriaeth neilltuol i wrandawriad ar dirwedd ac effaith weledol, ond awgryma natur yr ymatebion y caiff y dystiolaeth ysgrifenedig ei hatodi'n fwy addas gan ymweliad â'r safle na chan wrandawriad pellach.

Rwyf hefyd wedi ystyried gwrandawriad a allai gwmpasu'r Gorchymyn Caniatâd Datblygu, adran 106 ac unrhyw faterion sy'n weddill o'r Adroddiad Effaith Leol. Am y tro, rwyf wedi clustnodi 12 Gorffennaf 2012 ar gyfer hyn. Os penderfynaf gynnal y gwrandawriad hwn, byddaf yn rhoi gwybod i'r holl bartïon â buddiant am y lleoliad a'r amser yn nes at yr amser.

Mae dau wrandawriad llawr agored wedi eu nodi. Er y gallwch edrych ar fynychu'r ddau nid wyf am eich gwahodd i siarad mewn mwy nag un ohonynt. Diben y ddau wrandawriad mewn lleoliadau gwahanol yw ei gwneud hi'n haws i'r gymuned leol eu mynychu.

Dylai partïon â buddiant sydd am fynychu unrhyw rai o'r gwrandawriadau ar faterion penodol a/neu wrandawriadau llawr agored roi gwybod i'r Arolygiaeth Gynllunio erbyn **17:00 ar Ddydd Gwener 8 Mehefin 2012** gan nodi:

- i) pa wrandawriad(au) maent am eu mynychu;
- ii) pa wrandawriad(au) maent am siarad ynddo neu ynddynt, ac ar ba fater(ion).

Byddwch cystal hefyd â rhoi gwybod i ni wrth ymateb am unrhyw anghenion arbennig a allai fod gennych (e.e. mynediad anabl, dolen clywed) fel y gallwn wneud y trefniadau priodol lle bo'n ymarferol.

Os byddwch eisoes wedi dweud wrthym wrth ymateb i'm llythyr dyddiedig 10 Mai nid oes angen i chi ysgrifennu atom eto ynghylch hyn oni bai bod rhywbeth rydych am ei ychwanegu (ee yng ngoleuni unrhyw ymatebion eraill a dderbyniwyd gennym erbyn 25 Mai 2012). Ymdrechwn i sicrhau bod yr olaf ar gael i'w gweld ar dudalen prosiect Brechfa ar wefan y seilwaith cenedlaethol erbyn 1 Mehefin 2012.

Er bod hyn wedi ei gyflwyno yn fy llythyr dyddiedig 10 Mai, meddyliais y gallai fod o fudd os ailadroddaf sut rwy'n bwriadu cynnal y gwrandawriadau materion penodol. Os ydych wedi gofyn am gael siarad, disgwylir i chi grynhoi'n gyflym iawn y pwyntiau allweddol yr hoffech eu gwneud, a disgwylir i'r rhain fod yn seiliedig ar eich sylwadau cynharach. Bydd y dull archwilio yn chwilysaidd ei natur. Felly, os siaradwch mewn gwrandawriad, yn enwedig gwrandawriad ar fater penodol, dylech ddisgwyl cael eich holi am yr hyn a ddywedwch. Bwriadaf ganiatáu i'r rheiny yn y gwrandawriadau wneud sylwadau ar ymatebion partïon eraill, lle yn fy marn i, y mae hyn yn debygol o ychwanegu gwerth. Mae'n bosibl y bydd rhaid i mi newid y dull hwn os yw'n ymddangos nad yw'n helpu wrth gynnal yr archwiliad.

Yn y gwrandawiadau llawr agored hefyd, bwriadaf bennu terfyn amser ar gyfer pob unigolyn sy'n dymuno siarad er mwyn sicrhau bod pawb sy'n dymuno siarad yn cael cyfle i wneud hynny. Dylai eich sylwadau llafar ganolbwyntio ar faterion yn eich sylwadau ysgrifenedig cynharach ac ni ddylent ailadrodd pwyntiau a wnaed gan eraill. Yn ogystal, gallwch fod yn sicr y byddaf wedi darllen eich sylwadau perthnasol ac ysgrifenedig ac felly ni fydd rhaid i chi ailadrodd yr hyn rydych eisoes wedi ei gyflwyno yn ysgrifenedig.

Gweler Nodyn Cyngor 8.5 'Cymryd rhan yn yr Archwiliad' ar y wefan seilwaith cenedlaethol¹ i gael rhagor o wybodaeth am sut y cynhelir gwrandawiadau.

Yn gywir

Bob Macey

Awdurdod Archwilio

Mae'n bosibl y rhoddir cyngor ar ymgeisio am orchymyn yn rhoi caniatâd datblygu neu wneud sylwadau ar gais (neu gais arfaethedig). Fodd bynnag, nid yw'r cyfathrebu hwn yn gyfystyr â chyngor cyfreithiol y gallwch ddibynnu arno a dylech geisio eich cyngor cyfreithiol a chyngor proffesiynol eich hun, yn ôl y gofyn.

Caiff cofnod o'r cyngor a ddarperir ei roi ar wefan yr Arolygiaeth Gynllunio ynghyd ag enw'r unigolyn neu sefydliad a ofynnodd am y cyngor. Diogelir preifatrwydd unrhyw wybodaeth bersonol yn unol â'n Siarter Gwybodaeth y dylech ei darllen cyn anfon gwybodaeth i'r Arolygiaeth Gynllunio.

¹ <http://infrastructure.planningportal.gov.uk/wp-content/uploads/2012/03/Advice-note-8.5.pdf>

Atodiad A

Fferm Wynt Arfaethedig Gorllewin Coedwig Brechfa – Sir Gaerfyrddin (EN010008)

Rheolau Cynllunio Seilwaith (Gweithdrefn Archwilio) 2010 – Rheol 13(3) Hysbysiad o Wrandawiadau

GWRANDAWIADAU AR FATERION PENODOL

Sylwch fod yr Awdurdod Archwilio yn bwriadu cynnal y gwrandawiadau canlynol o dan adran 91 Deddf Cynllunio 2008 fel y'i diwygiwyd (DC2008) ar y dyddiadau canlynol:

Dyddiad	Amser	Materion
20 Mehefin 2012	Dechrau 10:00am Cofrestru 9:30am	Sŵn Mae materion sy'n debygol o gael eu trafod o dan y mater hwn yn cynnwys: <ul style="list-style-type: none">• Pryderon y gymuned leol gan gynnwys lefel a natur y sŵn a materion iechyd posibl gan ddefnyddio profiad Alltwalis lle bo'n briodol;• Profiad Cyngor Cefn Gwlad Cymru o ran delio â chwynion am ffermydd gwynt presennol, a'r gwersi a ddysgwyd;• Dull ymgeiswyr at fesur sŵn cefndir, gan gynnwys amcangyfrif hafaliadau;• Terfynau arfaethedig;• Effeithiau cynyddol;• Monitro cydymffurfio a delio â chwynion; a• Darpariaethau GCD (gan gynnwys gofynion) yn perthyn i sŵn.
21 Mehefin 2012	Dechrau 10:00am Cofrestru 9:30am	Cludiant a Mynediad Lleol Mae materion sy'n debygol o gael eu trafod o dan y mater hwn yn cynnwys: <ul style="list-style-type: none">• Effeithiau amgylcheddol y mynediad arfaethedig;• I ba raddau y gellir lleddfu'r effeithiau hyn;• Effaith y mynediad arfaethedig ar

		<p>gytundeb presennol adran 106;</p> <ul style="list-style-type: none"> • Yr angen am leddfu mewn perthynas â'r adran 106 bresennol, a natur a graddau hynny; • Dewisiadau eraill a ystyriwyd ar gyfer y mynediad arfaethedig ac i ba raddau y lleddfir unrhyw ganlyniadau drwg; • Pryderon cludiant yn cynnwys diogelwch y ffyrdd a cludiant i'r safle; a • Darpariaethau GCD (gan gynnwys gofynion) yn perthyn i gludiant a mynediad lleol.
21 Mehefin 2012	Dechrau 14:00 Cofrestru 13:30	<p>Ecoleg</p> <p>Mae materion sy'n debygol o gael eu trafod o dan y mater hwn yn cynnwys:</p> <ul style="list-style-type: none"> • Adroddiad Sgrinio Asesiad ar Reoleiddio Cynefinoedd; • Nighjars - Digonolrwydd lleddfir • Cynllun Rheoli Cynefinoedd • Darpariaethau GCD (gan gynnwys gofynion) yn perthyn i ecoleg.

Cynhelir yr holl wrandawiadau uchod yn Nghanolfan Waunifor (Neuadd Cedrwydd), Maesycrugiau, ger Pencader, SA39 9LX.

GWRANDAWIADAU LLAWR AGORED

Sylwch fod yr Awdurdod Archwilio yn bwriadu cynnal y gwrandawiadau canlynol o dan adran 93 Deddf Cynllunio 2008 fel y'i diwygiwyd (DC2008) ar y dyddiadau canlynol:

11 Gorffennaf 2012 am 10:00 (cofrestru 9:30am) yn Neuadd Eglwys Brechfa, St.Teilo, Brechfa, SA32 7RA ac am 14:00 (cofrestru 13:30) yng Nghanolfan Waunifor (Neuadd Cedrwydd), Maesycrugiau, ger Pencader, SA39 9LX.

Neilltuwyd **dydd Iau 12 Gorffennaf 2012** ar gyfer unrhyw wrandawiadau ychwanegol sy'n ofynnol.